

西藏民族政教史

西藏民族政策史

西藏民族政教史卷三

法尊編

三 迦舉派

迦舉義謂受持師長親語教授之傳承也。迦譯語舉譯傳。亦卽注重依師長教授而修行者。此派之創始者姓瑪巴名法慧。壬子年宋眞宗十五年生於羅札。天資聰穎。幼善書讀。惟稟性剛強。好勝。常與師友相爭。父意若使治世。必暴戾凶頑。莫如學習佛法。或能成爲法門棟樑也。年十五。送往卓彌處學法。時卓彌尊重教法。非供多金。難傳深法。瑪巴私念。深法皆由印度學來。莫如善習聲明。

自往印度學之。於是善習聲明已。籌金往尼帕爾。
住三載。學四座等密部經典。次往印度依止拏熱
巴論師。學歡喜金剛等法。及一切圓滿次第之教
授。後往西印度從智藏論師聽聞集密。還依拏熱
巴。學月稱集密經大疏。又廣學大幻法之灌頂。加
持教授。次同西藏。畧宏密法。重赴印度。途遇阿底
峽尊者入藏。雖聞拏熱巴已示寂。然心謂暫隱。未
敢輒信。乃遍訪東印南印名山。并依諸大論師廣
學密法。後果於一森林中遇拏熱巴。學所欲學而
返。時年四十二歲也。仁宗三十一年。回藏後暫住。

羅札廣傳密法。後聞彌勒巴(ཡེ་ཤེ་ཡེ་ཤེ་)之德譽。三赴印度。於東印度見彌勒巴。重學密教。並依大印教授。親證無生法性。由尼帕爾回藏時。爲關隘所阻。暫留數日。夢往南印度吉祥山。遇薩惹哈八十成就者之一。得教授加持。親證萬有一味之境界。回藏後住羅札卓窩壠宏法。八十六歲卒。

瑪巴門徒眾多。最著名者四。梅村薄福幢。哦法金剛。粗自在。彌拉聞喜(ཐོག་མཆོག་ལྷ་མོ་)。通稱彌拉惹布(ཐོག་མཆོག་ལྷ་མོ་)。前三人傳講釋經典之教授。彌拉則重修行之教授。故迦舉派實以彌拉爲嫡傳。

彌拉哦日人，生於庚辰年，宋仁宗十八年，名

聞喜，幼年喪父，財產爲伯父與姑母所佔，有寡母

與幼妹，零丁孤苦，非人能堪。年稍長，初學讀誦，一

日酒後謳歌，爲母所聞，憤極而痛責之，遂立誓學

咒術，以報積怨。母備資以遣，赴前藏雅壠，初從傭

敦綴賈（འདྲ་མཁོ་བ་ལྟུང་།）學咒法，經一年，師知其

冤，遂命往後藏拉結弩穹（ལྷོ་ལྷོ་རྒྱལ་ལྟུང་།）處學誅

法，乃咒殺伯父之親友三十五人，後依弩穹學法，

深悔罪重，急欲修行懺悔。三十八歲往羅札親近

瑪巴，先令作築室耕田等苦工，并以多方淨治其

罪後始圓滿傳授一切教授。四十四歲時夢母亡妹丐房傾田荒。辭師回鄉確如所夢。因深達世事如幻聚散無常。於是棄世入山靜修。先於帕比日(ツムタツノヒツル)專修六月。修成猛利火能抗饑寒之苦。次登吉絨(ツギヅノ)山頂靜修九年。於風得自在。成就神通。發真實智。證大印法性之理。證得堅固之後。爲欲方便利益眾生。故往底席(ソコシマ)雪山降服。乘鰲飛行之縑薄敎徒。次往拉其(ラクシ)雪山山靜修。雪封一年。惟以禪悅爲食。次第遊行深山大澤。敎化牧民甚衆。壽八十有四卒。弟子中最著

名者如月之惹穹瓦如日之崗薄瓦也。

惹穹瓦(ཇུང་ཁོང་འབྲུག་པོ་)原名金剛稱甲子年宋神

宗十七年生十一歲遇彌拉彌拉授以修猛利火之法十五歲染癩病獨居靜室有三印度人見而憐之攜往印度從波羅尊札學金翅鳥法未久病愈回藏見彌拉師曰印度有無身空行法九種瑪巴大師僅得五種餘者汝當往學令其圓滿也惹穹瓦乃重往印度遇拏熱巴與彌勒巴之弟子底補瓦(ཇུང་ཁོང་པོ་)學習圓滿并學其餘教授多種歸奉於師師傳曩總敦巴菩提王敦巴筆之於書從此

流傳者名爲勝樂耳傳之教授惹穹瓦自己所傳者名惹穹耳傳之教授。後赴前藏各處弘法壽七十八歲卒。其門人羅吉郭巴（ལོ་གཅིག་ཀྱི་ཁྱེད་པོ་）藏巴松巴（ལྷོ་ཁྱེད་པོ་）等皆一時之俊彥云。

崗薄瓦姓昆瓦名福寶己未年宋神宗十二年生於前藏孃（ཡོ་ཤེད་）幼年學醫故又名達薄拉結在達薄建寺醫生名拉結二十六歲出家在達薄依羅敦喇嘛學勝樂等密法次往北方依賈宇瓦女絨巴芒惹瓦等修學迦當派之教授能入定十三日之久三十一歲時聞彌拉之名往見之於

後藏診（山）地名，從學猛利火等密法，凡十三月，卽得高深之證德。後依師命，仍回前藏，於達薄建崗薄寺。將迦當派教授與大印教授合修，並著書傳之後學。此傳之大印法門，名曰俱生大印，遂成迦當迦舉混合之學派。亦卽名爲達薄迦舉系，壽七十五而卒。

崗薄瓦弟子甚多，其住持師長之傳承者，則帕摩王巴及都松欽巴也。二人同生於庚寅年，宋徽宗十年，俱西康人。帕摩十八歲進藏，先依賈瑪瓦學中觀與因明，二十五歲受苾芻戒而學律。次

赴後藏廣學薩嘉派道果等密法。後遇崗薄瓦復學大印法門。四十九歲時於帕摩王建寺。廣宏顯密弟子常七八百人。遂成帕摩迦舉系。亦卽迦舉之嫡系。壽六十有一。上首弟子有凌惹(ཡེ་ཤེ་ཨ་ཁེ་)止貢巴寶祥達壠巴等分宏各處。在前藏與西康獲有廣大勢力。後帕摩嫡系帕摩寺住持名稱慧之兄悉都菩提幢乘薩嘉派末年之衰起而佔領全藏。西藏政教之大權遂入迦舉派之手。

都松欽巴從獅子稱出家。名吉祥法稱。二十歲往朵壠依賈瑪瓦及法獅子學中觀因明。又從

霞惹瓦學迦當菩提道次第。從日稱學中觀六論。
從金剛獅子學薩嘉道果等。三十歲時復入崗薄
瓦之門修密法九日。卽能引生樂煖。不畏嚴寒。亦
曾參惹穹巴。聽聞拏熱巴與彌勒巴之教授。修方
便道。引生樂空俱生智。五十歲回西康。攝受弟子
常千餘人。後又進藏建粗樸寺（ཁུ་ཁུ་ཁུ་）與迦瑪
寺（ཁུ་ཁུ་ཁུ་）壽八十四。是爲迦瑪巴之初祖。從此傳出
者。卽名迦瑪迦舉系。都松轉世名迦瑪拔希。學德
爲一時之最。元初至內地。與蒙古宏法。並於西康
沿路建寺。故此派在內地蒙古勢力足。與薩嘉派

並峙。西藏活佛轉世繼承前生之地位者自此始。

凌惹名蓮華金剛。戊申年南宋高宗二年生。

於孃朶（）二十七歲受近事戒學諸密法。三

十八歲入帕摩王巴之門。僅修三日。卽生高深之

功德。遂遊化各處。其上首弟子藏巴賈惹亦孃朶

人名智金剛。辛巳年生南宋高宗三十五年。十二

歲後學諸經論。二十二歲遇凌惹請問法義。後又

學拏熱六法與俱生大印等教授。修七日卽能單

衣禦寒。復掩關靜修。能將內息外風合成一致。遂

得無量三摩地與神通。依師命建朶朶寺。惹朶寺。

王寺(ཡུ་ཤུ་)雷也。初建寺時遇雷鳴故名。弟子約五萬人。此派宏傳甚廣。故諺云：藏人半數爲王巴，王巴半數爲乞丐，乞丐半數得成就。由此遂成王巴迦舉之一系。

止貢巴號寶吉祥，癸亥年高宗十七年生於西康之敦瑪(དུ་མའ་མེ་)。自幼卽親近帕摩王巴，現證諸法實義，曾染癩病，專修大悲心而愈。二十五受苾芻戒，三十七歲往止貢建寺。某次法會有僧眾五萬五千五百二十五人，又一次安居，苾芻受籌者達十萬人，誠盛會也。壽七十五歲卒。由此傳出

爲止貢迦舉系。在政治上有相當勢力。惟傳至瑤種王壠巴（*Yakpa*）時。置迦舉之教授。不修而轉修舊派之誅法。對第三世達賴福海。會作傷害之加行。福海掩關七日。修大威德之幻輪。返同止貢之咒力。僧眾皆病。法派斷絕。於是一蹶不振矣。

達壠巴。名札什拔。吉祥德王戌年生。高宗十六年。十八歲出家。學入行論。集學論。菩提道炬論。等顯教諸論。二十四歲親近帕摩王巴。盡傳迦舉派之教授。一日隨師出遊於草原閒坐禪。師以杖

指其心而謂之曰。拏熱巴大師曰。當修一切法性空無我。若能於空無我中以四無量門修種種方便。卽能得無住涅槃之道。於是證得大印無修瑜伽。帕摩王巴圓寂後。遂往梅卓(ཡེ་ཤུ་ཨ་མ་)從伽喀巴學迦當派教授。從霞惹瓦受苾芻戒。年三十九受達壠人士之請。至該處建寺宏法。達壠巴自出家以後。足不入白衣舍。嚴忌葷酒。不許婦女入寺中宿。弟子三千餘人。六十九歲入寂。從此傳出者。名達壠迦舉系。其姪孫桑傑聞於至元十三年建西康日喔伽寺。徒眾甚盛。遂有西藏北部與西康之

勢力。惟此系諸大德。戒律精嚴。專尙靜修。大有彌拉之遺風。故從未一握政權也。

又有漾刹巴者。原名盛。稱生於癸卯年。徽宗二十三年。從九歲至十八歲。廣學顯密教法。二十六歲受苾芻戒。號精進稱。次依迦譯師(ཇམ་པ་འཇམ་པ་འཇམ་པ་)學勝樂金剛法。三十三歲遇崗薄瓦之姪戒藏。聽受俱生大印。得迦舉教授之加持。親證心性。後建刹寺與公塘寺(ཁོ་ཁོ་ཁོ་ཁོ་)。攝受眾生。並統理拉薩之民衆。亦一時之最有力者。七十二歲卒。從此所傳者。名利巴迦舉系。